

繡刻龍膏

記定本

目錄

第一齣 敘傳

第二齣 旅況

第三齣 寵賜

第四齣 買卜

第五齣 起釁

第六齣 成隙

第七齣 閨病

第八齣 投膏

第九齣 開閣

第十齣 酬詠

第十一齣 傳情

第十二齣 邂逅

第十三齣 既媒

第十四齣 藏春

第十五齣 羅織

第十六齣 賜玦

第十七齣 下獄

第十八齣 脫難

第十九齣 棘試

第二十齣 訪舊

第二十一齣 邪萌

第二十二齣 錯構

第二十三齣 砥節

第二十四齣 修郅

第二十五齣 空訪

第二十六齣 巧構

第二十七齣 訴因

第二十八齣 缺望

第二十九齣 償緣

第三十齣 游仙

龍膏記

明楊 珽 著

第一齣 敘傳

〔玉樓春〕〔末上〕樓臺絕勝宜春苑。此外俗塵都不染。飛花送酒舞前簷。好鳥迎春歌後院。且看欲盡花經眼。青鏡流年驚髮變。玉壺春酒正堪攜。莫惜追歡歌吹晚。〔問答照常科〕

〔滿庭芳〕淑女湘英。才郎無頗。仙都暫謫人間。暖金盒內。藏着巧姻緣。就裏龍膏起死。閨中秀再整芳顏。酬恩處。新詩寫意。邂逅訂盟言。一朝嫌隙起。恩將讎報。獄底含冤。幸脫離患難。上苑臚傳。縱得一枝梅信。還隔着楚水巫山。塵劫滿。重逢金盒。指點證僊緣。

張進士天宮散吏。

元小姐水府僊媛。

袁大娘撮成奇遇。

郭令公契合天緣。

第二齣 旅況

〔瑞鶴僊〕〔生巾服扮張無頗上〕弱冠工詞翰。論平生才具。東南竹箭。子虛猶未獻。冀觀光帝里。探花上苑。乘輿遠幸。知甚日南宮開選。嘆異鄉久滯。客囊將罄。旅懷難遣。〔鷓鴣天〕曉樹烏啼客夢殘。劍光橫雪玉龍寒。公車未結王生機。客路虛彈貢禹冠。裁錦字。吐琅玕。有才無命說應難。東風不爲吹愁去。對此空冷灑淚看。小生姓張。名無頗。南康人也。擅美三清。研幾十籥。偉龍章之秀質。騰孔雀之俊年。學海驚濤。綴珠鱗于濯錦。文江翻浪。織玉漱以韜霞。倒峽懸河。幸存張儀之舌。含經味道。曾遺公叔之冠。咳。只是漢庭無狗監之游揚。北海乏孔融之賞鑒。以故漂零蓬斷。世業漸彫。燕喜桃天。室家未遂。正是玄豹夜寒和霧隱。驪龍春暖抱珠眠。前日汾陽王郭子儀慕我才名。徵爲記室。我以春試在邇。不赴其招。誰想一到長安。吐蕃入寇。駕幸陝州。棘闥暫輟。久居旅邸。囊橐蕭然。怎生是好。

〔錦纏道〕我漫有筆凌雲詞華燭天。待詔赴長安。又誰知罷春闈尙困寒毡。我本是凌霜騎隱霧姿摩霄羽翰。到如今阨蓬蒿伏櫪棲山。歎息損朱顏。帝京塵

把貂裘盡染。拂青萍。白日寒。禁不住。氣冲碧漢。竟何年。遇主奏甘泉。〔小生扮店

主人上〕

獻策未得意。況復柳條春。爲客黃金盡。居停有主人。自家店主人是也。南康張相公寓居

小店。春試無期。客懷消阻。不免進去解勸他一番。多少是好。〔相見介〕店主。小生久寓貴店。房

金酒價。未有所償。自懷慚愧。〔小生〕呀。張相公說那裏話。我看你貌如冠玉。陳孺豈常貧。才比南金。

顧榮終自顯。小子自慚無一飯之奉。安敢望千金之酬。區區長物。不必掛懷。〔生〕店主。雖承雅意。

只是我苦馮衍之漂流。類相如之貧窶。當此豔陽天氣。觀景傷懷。轉覺淒楚人也。

〔錦庭樂〕看游絲把愁懷亂。聽語燕把鄉心頻喚。歎囊底轉自淒然。怎能殼三

府招賢。幸居停見憐。意殷勤。好教人三謝難安。

〔古輪臺〕〔小生〕你氣昂然。似陸機入洛正青年。蘭薰桂馥人堪羨。文成繡虎。

譚擅雕龍。更鴻都學冠羣賢。自是明月隋珠。連城卞璞。何妨暫爾受迍邐。雖則

牀頭金盡。又非關名落孫山。分明是洛陽季子。臨邛司馬。長安曼倩。豈久困塵

寰。從今去。願君好着祖生鞭。張相公。此間有一袁大娘。精于易理。賣卜東郊。明日去問他一卦。

以下行藏。何如〔生〕這也使得。明日就行。

〔尾聲〕龍蛇倚伏。今難辨。不惜君平買卜錢。〔小生〕應把他鄉意緒寬。

〔生〕草色青青柳色黃。

春風拂地日空長。

〔小生〕多才自有雲霄望。

計日應追鵷鷺行。

第三齣 寵賜

〔齊天樂〕〔淨冠帶扮元載末雜從上〕

巍巍位列三台上。尊貴當今誰讓。八柱承天。

四時成歲。共道功垂霄壤。威權無兩。看餽獻填門。寶玩盈筐。初度欣逢。瑤池遙

引。佐霞觴。詔下黃麻拜上公。袞衣玉帶聖恩隆。台階上應三光象。槐位還同五岳崇。下官姓元。名載。

鳳翔岐山人氏。官居宰相。職掌朝綱。寵冠九重。當代之臣僚少匹。富傾四海。歷朝之宰輔無雙。夫人

王氏。共傳婦道母儀。小女湘英。更喜天才國色。今乃下官誕辰。正值豔陽佳景。夫人已曾分付安排。

筵席慶賞。院子。請夫人小姐出來。〔末應請介。老旦扮王氏。旦扮湘英。小旦扮冰夷。上。老旦〕

〔寶鼎現〕簾櫳紅日上。舞臺金簇。妝樓珠晃。聽鳥語。笙簧疊奏。看瑤階繡茵初

長〔旦〕窺鏡雙眉裁柳葉。玉臉桃花一樣。〔合〕喜二月龍生。壽筵正列。良辰堪賞。〔相見介老旦〕今日相公華誕。壽酒俱已準備在此。〔淨〕將酒過來。〔送酒介淨〕

〔錦堂月〕瑞日當陽。祥風繞席。春來武陵溪上。〔老旦〕金母蟠桃。今朝正看初放。鋪雲幄玄圃芝鮮。薦霞杯赤城標上。〔合〕須歡暢。惟願花下年年共看無恙。〔前腔〕〔旦〕稱觴。瑞液濃濃。花源馥馥。春歸萬年枝上。日月移來。雲霞綴成黼帳。〔小旦〕任鸞歌歲月休論。聽鶴語春秋難量。〔合前小生扮內官捧煖金盒上〕淑景

風光媚。皇恩寵賜重。捧觀珍質麗。拜受聖心崇。〔末報介老旦旦小旦暫退介小生進上立介〕奉萬歲爺聖旨。道老相公壽誕。特將西域所貢煖金盒賜與老相公。此盒所在。雖是寒時。一室暄熱。不假爐炭。乃無價之寶。〔淨〕下官方慚曠職。忽被殊恩。實切媿感。分付快排酒席。管待中貴。〔小生〕上命難稽。就此告別。願續南山壽。千春奉聖躬。〔淨送小生下仍進介〕夫人。聖上念下官虛度。將此煖金盒賜與下官。此盒乃西域所貢。所在去處。便覺和煖。真至寶也。女孩兒。你可將去。好好收藏。勿得輕用。〔旦應介淨〕

〔醉翁子〕曠蕩。這恩寵誰人敢望。看製出天工。光分僊掌。〔老旦〕還想。是義取斷金。作礪阿衡相倚仗。〔合〕翻弄處。須珍重君恩。好教無恙。

〔前腔〕〔旦〕浩蕩。這恩寵喜從天降。看影蔽金屏。煖蒸錦障。〔小旦〕玩賞。更紅紫增輝。燦燦階庭春正長。〔合前外扮官捧金幣上〕柳垂金屋煖。花發玉樓香。萬壽禎祥獻。

臨行意緒長。〔向末介〕小官是黃門侍郎王爺差來送壽禮的。〔末報介淨〕着他進來。〔末引外進

見介〕黃門侍郎王縉。要親來拜賀老爺。因衙門有事。不能脫身。先差小官前來。奉上黃金千兩。綵

段千端。聊充壽禮。少間還要親來。〔淨〕收了。多拜上。〔外應介〕願奉南山壽。千年常若斯。〔下淨〕

〔僥僥令〕羣僚皆拱向。九錫足恩光。〔老旦〕但願鳳翼龍鱗歌喜起。萬歲千秋慶未央。

〔前腔〕〔旦〕門庭添氣象。筐篚鬬輝光。但願椿樹萱花歌保定。萬歲千秋樂未央。

〔尾聲〕〔衆〕祥光靄靄瑤京上。寵命源源玉殿傍。會見歡慶于今與日長。

澹蕩春光滿曉空。

祥雲瑞氣捧階濃。

若非羣玉山頭見。

會向瑤臺月下逢。

第四齣 買卜

〔旦扮道童上〕松下問童子。言師採藥去。只在此山中。雲深不知處。自家仙師袁大娘的道童便是。俺師父隸名仙籍。寄跡人寰。假易課而指塵世之迷塗。通劍術而救人生之危難。囊中丹藥。鍊金屑玉。可以補髓還精。匣裏青鋒。陰縵陽文。常是凌霜耀雪。高翔五岳。低望九河。御蒼龍而驟白獸。數千里外瞬息飛還。軌出蒼垠。旌披霄輦。拖星佩而戴霞冠。百萬軍中單身直入。遨遊紫府。則隨王母木公雲行星步。真個黃節羽衣風嫋娜。戲侮黃塵。則與紅線隱娘吐火吞刀。果然紅霞紫氣晝氛氲。空空兒。精精兒。白日擊人。矯如俊鶴。紅旛子。白旛子。深宮飛入。輕若游蜂。正是暗臨黑水蛟螭泣。潛倚空山鬼魅愁。道猶未了。師父早到。〔老旦道妝扮袁大娘上〕坐掩茅菴鍊性靈。角冠時禮一壇星。藥將雞犬雲中試。琴許魚龍月下聽。自家袁天綱之女袁大娘是也。奉玉帝之旨。說那南康秀才張無頗。是天宮司香散吏。元載之女湘英。是水府織綃仙姝。他兩個夙緣未了。合爲夫婦。着我先結他浩

劫業緣。方授他清虛仙訣。但目前尚有磨難。未得會合。昨日朝廷賜元載的煖金盒。原是水府廣利王之寶。只因無顏與湘英的姻緣。該在這金盒上結果。因此傳出人間。不免叫直日天將盜這盒兒出來。少間張無顏到我菴中買卜。將續命龍膏藏在盒中。贈與他去。日後自有應驗。直日天將何在。〔雜扮天將上老旦〕你可到元載府中。取出那御賜煖金盒來。〔雜應下〕

〔僊呂點絳脣〕他兩個是碧海瓊姬。紫皇仙吏。班聯貴名。注仙籍。又結下風流誓。〔雜捧金盒送上介老旦發付雜下介〕我看起來。人世上姻緣。就如這盒兒一般。盒兒有開有合。姻緣也有開合。開了的少不得要合。合了的少不得要開。因此上張無顏與那湘英也逃不過這開合也。

〔混江龍〕紅絲曾繫。人間天上有相思。只爲着姻緣分定。因此上會合佳期。只教他乍出滄溟填慾海。遨遊塵世下雲達。爭奈眼根前花星還未照。命運中劫數正當時。問青鸞雖有信。恨靈鵲未銜枝。我先將這煖金盒勾了姻緣簿。卻把那紫金丹再作上天梯。恐迷了他仙風道骨。也不是惜樹憐枝。既是他夙世根由。

須證他今生公案。欲歸本位。先了塵緣。我且坐在菴前。待他來時。付與金盒便了。〔生上〕雲碓無人。水自春。野桃無語笑春風。偶將心地問高士。坐指浮生一夢中。自家要訪袁大娘。求他占卦。此間已是東郊。你看裏面坐着一位女仙。想只他便是袁大娘。只索上前相見者。仙師拜揖。〔老旦〕先生稽首。先生那裏來。〔生〕小生南康張無頗。特造仙菴。買求一卦。〔老旦〕先生爲甚事要買卦來。

〔油葫蘆〕賣卜君平簾自垂。何來得長者車。這行藏禍福你卻待要前知。你不是賈太傅遠貶長沙去。又不是楚三閭澤畔苦吟日。〔生〕久聞仙師易卦通神。小生爲功名一事。特來拜懇。望乞指示迷塗。〔老旦〕卻原來龍虎榜欲問功名事。麒麟閣未際風雲會。待抱筮問易求明示。早難道片語定恁個狐疑。先生。你要問前程事。好難決斷也呵。〔生〕仙師胸羅星斗。袖頓乾坤。乞指愚迷。長行吉地。〔老旦〕

〔天下樂〕恁道我日月乾坤藏袖裏。這話兒待說破怎生提。〔生〕仙師。小生十載青燈。半生黃卷。憑着這管筆兒。睡手功名。但不知命運若何。〔老旦〕只待要功名仗着這筆尖兒。一任你墨淋漓灑鳳闕。策光芒燦虎墀。只落得到處逢人忌。〔生〕若依仙師

這般說。我張無顏終身不遇了。〔老旦〕先生卜以決疑。不疑何卜。據先生才地。豈長貧賤。只是目下不利。恩反成讎。〔生〕自古道前程暗如漆。還求先生快卜一卦。俺這裏虔誠禱告者。〔老旦〕

〔那吒令〕他抱枯莖問伏羲。擲金錢占周易。論終身卻怎的。據前程暗似漆。先貧賤受人欺。後富貴緊相隨。終用着你駕海棟梁材。鎮國璠璣器。怎生的林壑也那棲遲。〔生〕原來無顏還有顯達之日。〔老旦〕哦。先生後來雖是亨通。災星還未過度。

〔鵲踏枝〕你馳騁處有趑趄。快活處帶憂虞。端的是恩反成讎。節外生枝。〔生〕這卻是甚緣故來。〔老旦〕參不透玄機啞謎。着緊裏惹了些閒是閒非。〔生〕仙師。這災難可有處躲避麼。〔老旦〕不妨不妨。

〔寄生草〕縱風波無端至。遇災殃須躲避。游絲兒怎縛得鵝鵬翅。魚蝦兒怎困蛟龍勢。浮雲呵怎蔽青天日。你乘風飛下紫雲車。登仙終帶瓊琚佩。〔生〕吉凶禍福。時命所招。多承仙師指示。小生自當趨吉避凶。只是如今旅邸蕭條。行囊羞澀。好生難過也。〔老旦〕先生不須愁煩。我有煖金盒一個。送與先生。兼有玉龍膏數丸。可以起死回生。

〔么篇〕金盒世罕希。靈藥真奇異。迴生起死功無比。金丹本是龍膏製。贈君聊作長安費。高標着表白待人求。個中便是神仙意。〔生〕仙師。甚麼個中便是神仙意。

〔老旦〕先生聽者。這龍膏非小可也。

〔賺煞〕雲寶采靈苗。月府春霞髓。他不比那尋常草根木蕊。是結婚姻玉液瓊飴。成好事玉斧靈絲。〔將盒并膏付生介〕你將此龍膏去賣。不但可供客中之資。兼可獲佳麗之

偶。他經玉杵搗多時。遇佳人好訂佳期。便有難也自逢吉地。折莫你天台路不迷。憑着這煖金盒子。向錦窩花障覓嬌姿。〔下生〕呀。仙師將煖金盒玉龍膏付與我。

就警然進去。閉上菴門。他道賣此龍膏。可得佳偶。中間必有緣故。我且將回客舍。標立招牌。看有甚麼人來買便了。

巫嶺岩嶢天際重。

佳期夙昔願相從。

朝雲暮雨連天暗。

神女知來第幾峯。

第五齣 起釁

〔杏花天〕〔外〕冠帶扮郭子儀小生雜從上。幾迴掃盡機槍。論勲名首著旂常。承恩命來朝建章。看天香猶沾衣上。拖玉腰金報主身。早開黃閣畫麒麟。指揮如意回天地。訓練強兵動鬼神。自家郭子儀。職統元戎。關分重鎮。二京收復。兩河蕩平。馳單騎而退回紇于涇陽。借虛聲而走吐蕃于商陝。真個是功蓋天下。位極人臣。屢蒙聖恩。進爵爲汾陽王。以太尉兼尙書令。八子七婿。皆爲顯官。次子郭曖。得尙昇平公主。一門恩寵。至此極矣。只是魚朝恩忌我位望。心存嫉妬。我以信義感之。不敢加害於我。近日討平僕固懷恩之亂。奉詔班師入朝。昨日那魚朝恩又來請我到章敬寺飲宴。我若不去。反生彼疑。且待孩兒們出來。與他商議。〔淨〕冠帶扮郭曖上。

〔生查子〕主第勝平陽。繡閣懸金帳。度曲又飛觴。鎮日神魂蕩。自家汾陽王之子駙馬都尉郭曖是也。父親在堂。上前參見。〔見介外〕孩兒。我前日在軍中。命你聘張無頗爲記室。他以春試約我一定到在京師。只因軍務匆冗。不及再問。你可知他踪跡麼。〔淨〕這樣人朝東暮西。那裏曉得他下落。〔外〕哎。汝生閨閣之門。爲帝室之戚。似這等人才。正該去存問他。方見你折節下士。〔淨〕謹依爹爹嚴命。〔丑扮官持書上〕特傳丞相命。專報令公知。自家元丞相府中差來送書與郭

令公老爺已到他們首。不免徑進。〔進見介外〕你是那裏差來的。〔丑〕小官是丞相爺差來的。有書拜上老爺。〔外接書看介〕拜上你家爺。說我知道了。〔丑應介〕早離貔貅帳。仍返鳳凰池。〔下淨〕爹爹。那元載書中怎麼說。〔外〕明日魚朝恩請我到章敬寺飲宴。元載說他將不利于我。叫我不要去赴。這是誹謗之言。不必信他。〔淨〕爹爹。那魚朝恩奸謀叵測。況忌爹爹勳望。每事阻撓。明日之宴。未必無意。依孩兒愚見。還是不去的是。〔外〕那有此理。我爲國家大臣。他非奉王命。豈敢加害于我。我若不去。反起他疑心了。〔淨〕爹爹。元載之言。必有所據。不可不聽他。〔外〕這是元載恐我與魚朝恩相結傾他。故造此謗言。我明日一定要去。

〔剔銀燈〕我領重鎮邊疆保障。建奇勳王朝老將。南衙北府無相抗。怎把干戈暗藏犧象。思量他妻非怎當。我豈怕弘恭勢張。〔淨〕爹爹只是不該去。

〔前腔〕負重望功成不賞。算刑餘恩難役養。非全氣體曾鈞黨。變倉皇有誰相仗。須防他忠謀可商。看漢室蕭周慘傷。爹爹如要去。須多帶人馬。以防不虞。〔外〕我明日減去驕從。止帶親隨數人。跟去服役。〔淨〕爹爹怎麼到減了驕從。〔外〕我自有道理。